





BIBLIOTECA  
PNAI JAGIELLONICA  
CRACOVENSIS

*kat.komp.*

585503


Mag. St. Dr.


1



585503

|  
Mag. St. Dr.





Q. D. B. V.

Disputatio Juridica

De

OBLIGATIONE  
STUDIOSI STI-  
PENDIARII,

Ad

Specimen Eruditionis edendum.

Quam

In Inclyto Gedanen. Athenaeo,

PRÆSIDE

DN. JOHANNES SCHULTZIO,

J. U. D. Ejusdem & Histor. P. P. ut & dicti Athenæi inspectore  
*Fautore & Præceptore suo atatem devenerando,*

In Auditorio Maximo

Horis matutinis

Anno M. DC. LXXX. D. XIV. Septembr.

Solenniori Disquisitioni exponet

MICHAEL PAULI, Gedan.

Alumnus hactenus Oelhafian.

---

GEDANI,

Typis Davidis Friderici Rhetii.

O. D. E. N.

Disputatio Juridica

OBBLIGATIONE

STUDIOSI STI.

PENDIARI.

Specimen Juridicis edendum.

585503

DR. JOHANNES SCHULTZIO

J. U. D. Prætor & Histor. P. P. in & disti. Albeni in pfectore  
Prætor & Prætor pro ab actu & ceteris annis.

In Audientia Maximo

Horis munitis

Anno M. DC. LXX. D. XII. Septemb.

Solemniter ad publicam exponet

MICHAEL PAULI, Gedan.

Alumnus Albeni Oclianus.

GEDAN.

Typis Davidis Richterii Rostii.

1970 D6450791

**S**tipendiorum Materiam e fontibus  
 suis derivatam, inque varios titulorum  
 rivos divisam, exhibuerunt ingenia e-  
 ruditione tam sacra, quam profana  
 longe instructissima. Nulla igitur jam ejus  
 superesse videtur pars, nisi quam grati animi  
 innuit honestas. Obligationem sc. hic in-  
 telligimus, qua Studiosus Stipendiarius Fun-  
 datori & Administratoribus Stipendii obstrin-  
 gitur ad Specimen Eruditionis edendum. Sti-  
 pendia enim beneficiorum naturam induere  
 uno fere ore Jcti fatentur omnes. Grate i-  
 taque & hæc beneficia ad quosdam pervenis-  
 se indicandum est effusis affectibus : *Qui  
 enim grate beneficium accepit, primam ejus pen-  
 sionem solvit. Sunt quidam, qui nolunt nisi  
 secreto accipere : testem beneficii & conscium,  
 vitant: quos scias licet male cogitare. Quomodo  
 danti in tantum producenda notitia est munere-  
 ris sui, in quantum delectatur a est eum, cui da-  
 tur: ita accipienti adhibenda concio est. Quod pu-  
 det debere, ne acceperis. Quidam furtive agunt  
 gratias, & in angulo, & ad aurem. Non est  
 ista*

*ista verecundia, sed inficiandi genus. Ingratus est, qui remotis arbitris agit gratias. Quidam nolunt nomina secum fieri, nec interponi pararios, nec signatores advocari, nec chirographum dare: idem faciunt, qui dant operam, ut beneficium in ipsos collatum quàm ignotissimum sit. Verentur palam ferre, ut sua potius virtute, quam alieno adiutorio consecuti dicantur. Rariores in eorum officiis sunt, quibus vitam, aut dignitatem debent: Et dum opinionem clientium timent, graviores subeunt ingratorum, inquit Seneca Lib. II. de Benef. Cap. 23. Et hoc sensu publicum Eruditionis Specimen ab Alumno OELHAFIANO editur, ut publice ita Fundatoris Viri Amplissimi, Spectatissimi DNI. DAVIDIS OELHAFII propensa in DEum pietas, in studia favor, in egenos liberalitas innotescant. Nos interim publico huic testimonio privato subscribimus voto, piis manibus gaudii cœlestis æternitatem, mollem cineribus quietem, nomini OELHAFIANO gloriam, ipsisque Amplissimis Administratoribus perennem optantes felicitatem.*

CA-





Caput. I.

De

# Obligatione a Subjecto.

Conspectus.

§. I.

**E**xplicatio terminorum Studiosi. §. 2. Et Stipendiarii.  
§. 3. Requisita essentialia in Studioso Stipendiario sunt  
capacitas naturalis & industrialis. §. 4. Incapaces igitur  
naturaplane admittendos non esse ad stipendium capiendum  
docetur. §. 5. Adduntur hic temperamenta quadam. §. 6.  
Præsupposito jam capacitatem adesse, necessitas speciminis  
edendi demonstratur (1) ab Amore DEI. §. 7. Resolvuntur  
contraria argumenta. §. 8. Argumentum (2) propo-  
nitur ab amore proximi & Reip. §. 9. Resolvuntur contra-  
ria. §. 10. Argumentum (3) proponitur ab amore sui. §. 11.  
Resolvuntur contraria. §. 12. Argumentum à capacitate  
industriali breviter exponitur.

§. I.



**S**tudiosi nomen vario sensu accipi innuit la-  
xa vocis (studiorum) primitivæ, a qua  
derivatur, significatio, adeo ut omni ar-  
tium tam liberalium, quam illiberalium  
studio addictis speciosa hæc appellatio  
denegari nequeat l. 13. & l. 53. ff. de Fidei commiss. liber-  
tat. Tab. in Racem. Criminal. p. 228. Strictioribus termi-

A 3

nis

nis includitur, quando illam literarum cultores sibi vindicant tanquam propriam, exclusis reliquarum artium peritis. Et hac ratione nomen Scholarium & Studioforum eundem sensum exprimit. *Auth. Habita. C. Ne Filius pro Patre. Rebuff. de Privileg. Scholar. Besold. in Tract. de Jure Acad. Cap. 5. f. 215. Spekbahn. in Centur. 2. Class. 1. Q. ii. Sycvus in Diss. Acad. ad. d. Auth.* Cum vero & in literarum cultu distinctio esse soleat inter facultates superiores & inferiores, Studiosi nomen illis imprimis speciale esse cœpit, qui superioribus se jam applicant, reliquis titulo Scholarium donatis, qui sc. Scholas adhuc triviales frequentant *vid. Limn. J. P. Lib. 8. c. 6.* Superiorum vero Facultatum nomine hic intelligi Theologiam, Jurisprudentiam, Medicinam & Philosophiam demonstravit *Carpzov. Jurispr. Consi. Lib. III. Def. 12.* Strictissima tandem nominis Studiosi acceptio Juri addictos tangit; eosque non omnes, sed illos tantum, qui Jurisperitia instructi rebus tractandis apti sunt, gloria vocis istius gaudere docent. *l. 1. ff. de Offic. Assess. l. 9. §. 1. ff. de pœn. l. 4. ff. de extraord. cognit. conf. Brissom. de Verb. Signif. ad Voc. Studiosus.*

§. 2. Cum vero hic Studiosum Stipendiarium posuerimus, brevibus Vox Stipendiarium enucleanda veniet. Origo ejus militaris est, dum a stipe derivatur *l. 27. §. 1. ff. de V. S. quæ militibus conferri solebat in præmium laboris. Perez. ad tit. C. de his qui non impletis stipend. n. 1. Freudentb. de Rescript. Morat. Tit. 7. Conclus. 44. n. 44.* & in specie olim stipendiarium proprie illi dicti erant, qui vicena compleverant militandi pericula. *Cotarcus de Jure Militar. L. 1. c. 24.* Cum itaque studia militiæ æquiparentur *l. advocati 14. C. de Advocat. divers. judic. & gloss. in l. miles ff. de Re judic.* Vos Stipendii etiam piis donationis studiorum causa factis accommodatur. *Gockel. Diss. de Pius Donat. tb.*

3. & 31. recteque a Genèroso Domino a Sekendorff in *Tractat. de Regimin. Stat. Princip. Germ. P. 2. c. 14.* exprimitur Germanice, quod sit. *Eine jährliche Reichtung eines gewissen Geldes vor arme Studierende Jugend.*

§. 3. Propius jam obligationem e Subjecto seu ex persona Studiosi Stipendiati deducturi duplex momentum præsupponimus, *Capacitatem Naturalem, & Industrialem.* Primum itaq; requisitum erit *Capacitas Naturalis, s. aptitudo ingenii ad studia tractanda* (1) cum etiam studia sint actus meri intellectus & applicationes vehementes ad aliquid peragendum, ut loquuntur *Bald. in l. 1. §. hujus studii n. 4. ff. de J. & J. & Jaf. Consil. 149. colum. 1. Lib. 4.* Artium vero illiberalium negotia sensibus ut plurimum externis, multisque laboribus & molestiis perficiantur. *vid. Thom. Garz. Piazza Universal. 1. Discurs. 1.* Ingeniorum selectum pro studiorum cultura instituendum esse, recte monuit *Spizel. in Infelici Literato Commonefact. 13. de animo docili pr.* (2) Metus quoque hic non infimus subest *Remp. maximis exponi periculis, si quoslibet ad literaturam, eosque incapacissimos trahat, vel gloriæ ex literis vanitas, vel parentum de liberorum aptitudine cæca ex amore opinio, vel Præceptorum lucri causa injecta de capacitate infantum Parentibus vel agnatis persuasio.* Hinc illæ lacrymæ, dum a semidoctis istis publicum statum maxime lacerari demonstravit ita non inconvenienter de *Moribus Galliæ Gramond. Histor. Gallic. Lib. 111. f. 199.* *Palam est, inquit ille, lethalem esse Reip. lippis & tonsoribus promiscuum scientiarum usum; qua ex causa arceri olim soliti profani a Sacris, queis scientiarum arcana continentur.* Ex quo strata cuilibet in *Parnassum via facilis, paucis in summum apicem ascensus est.*

Docet nos experientia seculi, sub quo vivimus, pauciores esse eruditos, quo plura collegia sunt. Triginta jam anni voluntur, ex quo Gymnasis obruimur, ubi amabo augmenta literarum? ubi probati Autores per hac tempora? Si qui meruere in re literaria nomen, supra et a tem nostram sunt, apud veteres magistros instituti, aut in majoribus Gymnasis. Obstet item ratio politica, qua docemur stare & augeri commerciis regna, qua ire in pejus & minui certum est, ubi quilibet e populo sectatur literas: raro mercatorem se ferat, qui ex literis gloriatur. Hinc litibus augmenta in pagis, dum vasallus vana Latinitatis imagine, qua illuditur, litem feudi Domino movet: Hinc advocatulis implentur oppidula, aut notariis deterrimo hominum genere, cui velut birudinibus populi sudor & sanguis vita sunt. Huc trahendum prudens Perezii Consilium ad Tit. C. de Profess. qui in urbe Constantinop. L. 12. n. 6. Invidandum est Principi, & illis qui ejus consilia dirigunt, ut selecta sint Academiarum leges, selecti Professores, & discipuli, quos se vita integritas & ingenium probarit, rejiciatur nimia illa turba sectantium juristudia, praesertim plebejorum & miserorum, ne ars tanta propter tenuitatem, a religionis auctoritate abducatur ad mercedem & questum, summa est enim perversio finis Jurisprudenciae, quod solo divitiarum voto discatur & ad questum convertatur. Jam vero id quod tanquam Reip. imminet periculosum fugiendum, aut tollendum esse docet l. congruit. 13. ff. de Offic. Praef. Conf. Carpz. de Leg. Reg. c. l. f. 18. n. 9. (3) Iphis quoque personis, earumque familiis talem ad studia pruriturum maxime damnosum existere, testatur experientia, dum exclusi a publicis muneribus & paupertate atterantur & ludibrio aliorum exponantur, & pa-

parentibus ipsis graves existant, qualem quidem prurium coercendum esse rectè statuit Fürsil. Magdeburgische Schul-Ordnung de anno 1658. Sect. II. C. 7. §. 7. verb. Daß nicht einem jeden seines Gefallens zu studieren nachgelassen werde. Imo Parentes quoque istos maxime peccare constat vel inde, quod liberis non rectè consilio integro prospexerint, atque ita pietatem officii paterni non expleverint. *arg. l. in ea 22. ff. ad L. Jul. de adult.* Nec interest hic an mandaverint, an consuluerint, an suaserint tantum. Quæcunque enim verba hic a Patre intercesserint, propter autoritatem dicentis & respectum ex imperio & obedientia connexum, mandati vim obtinent. *l. 1. §. 2. ff. mandati. Dunozet. Decis. 329. num. 4. Fagundez. de Justit. & Contract. Lib. 1. Cap. 5. n. 15. & Lib. 4. c. 7. n. 30. Molin. Tom. 1. de Justit. & Jur. Disp. 239.* Sibi itaque imputent Parentes, nec causam conquerendi arripiant, si forte alendi tales liberi ipsis graves existant. Involuntarium enim ex voluntario ortum habetur pro voluntario, & quæ antea fuerunt voluntatis, ex post facta fiunt necessitatis. *l. 17. §. 3. ff. Commod. Conf. Dn. Stryk. in Tractat. de Cautel. Contract. Sect. II. Cap. II. th. 6. Berlich. P. II. Decis. 246. n. 15.* Denique & Præceptores tales peccare, & actione mandati conveniri posse statuimus, propter consilium persuasivum, quod magis in utilitatem persuadentis, quam discipuli tendit, adeoque a doli suspicionem immune vix esse poterit, & actio doli in talem intentari. *l. 47. ff. de R. J. vid. Diff. Ampliff. Dni. Hoppi de Jure Ignotorum. Cap. III. n. 4.* Dolum vero hic subesse ideo constat (1) dum non tam discipuli, quam sui utilitatem intendisse videtur (2) dum Parentes alias non applicuissent liberos studiis tractandis, nisi persuasi fuissent. *arg. l.*

6. §. 5. ff. Mandati. Nec obstat forte imperitia judicantis  
Præceptoris de capacitate discipuli. Est quippe talis im-  
peritia, quæ in artis perito culpæ annumeratur. l. 7. §. ult.  
ff. ad L. Aquil. conf. Bronchorst. in Comm. ad R. J. L. 46.

§. 4. Præsuppositis itaque istis recte concluditur,  
incapaces istos nec ad studia tractanda, nec ad stipendia  
capienda admittendos esse, adeoque non immerito & Ma-  
gistratus, & Parentes, & Præceptores iterum serio monet  
d. Ord. p. 37. §. 17. ne quiuis ad studia tractanda admittatur.  
Verb. Weilsn ein accuratum Scrutiniū ingeniorum, und  
genaue Pruffung zū Studieren tüchtigen oder untüch-  
tigen Leutē hierbey höchstnötzig / die weilsn es nach dem  
gemeinem Sprichwort heisset: Non ex quo vis ligno fit  
Mercurius: und aus sonderbahrer Verordnung des  
Allerhöchsten ein Mensch zu dieser / ein ander aber zu  
einer andern Wissenschaft mehr Lust und Beliebung  
hat / daher so wol die Obern / Eltern und Præceptores  
hierinnen gebührende Sorgfalt erweisen / und nie-  
mand zu solchen Dingen / wozu er ganz keine Lust oder  
inclination, mit Ungestüm und Gewalt zwingen müs-  
sen / denn es bleibt wol dabey:

Tu nihil invita dices faciesve Minerva.

Atque ita per consequens incapaces a stipendiis capiendis  
arcendi erunt (1) quia hæc dantur sub conditione, si forte  
quis studia tractare digne & ad officium Reip. tenendum  
habilis futurus esse possit. Conditio vero talis, quæ im-  
pleri nequit, Contractum reddi ipso jure nullum. l. im-  
possibilis 7. ff. de V. O. Contractum vero hunc innomina-  
tum, do ut facias, esse evincit natura Stipendii, Do sc. sti-  
pendium ut studeas, atque in Reip. utilitatem illud im-  
pendas. (2) Colligitur id ex natura beneficiorum, inter  
quæ

quæ numerandum est stipendium : *vid. Gockel. Diff. de piis donat. th. 3. Abasy. Fritsch. Tract. de Stip. & Stipend. Scholar.* Jam vero bene merentibus aut merituris, non vero a quibus nulla spes affulget, beneficia conferenda esse docet *l. 4. C. de statutis & imag.* cum maxime eo respici debeat, ut salus Reip. per eos promoveatur, adeo ut is qui indignum elegerit, & exinde damnum fecerit Reip. illud resarcire teneatur. *Less. Lib. 11. c. 12. dub. 12. Covarruv. ad 1. peccatum 5. p. 3. de Reg. Jur. in 6. solo. Lib. 10. q. 6. conf. Diff. Dni Præsidis de Justitia. Casuum pro amico. Cap. III. §. 1.* Id quod ne eveniat, monitum Consilii *Ordinat. Eccles. Saxon. cap. 2. §. Da mit aber / hic præcavebit. Verb. Ihres Ingenii, Wau- dels / Fleisses / und wie fern sie in ihren Studiis kommen Zeugniß auflegen.* Et postea: Und ohne Ansehen der Personen allein die besten Ingenia außersuchen/und und zu solchen beneficien befördert werden ic.

*§. 5.* Ne tamen nimium hic rigorem sequi videamur, temperamenta quædam addenda erunt. Dicendum igitur (1) incapaces hic a stipendio illo excludi, quod ad studia destinatum est, ex natura ejusdem, & ex intentione fundatoris, quam omnibus modis observandam esse docet *l. 5. ff. Quem adm. test. aper. Natta Consil. 211. n. 5. Vol. 1. Paul. de Castro in l. ex facto ff. de vulgar. & pupillar. substitut.* non vero alia ipsis alimenta deneganda erunt, si forte egeni existant, cum quis necare dicatur, qui alimenta subtrahit. *l. necare 4. ff. de agnos. & alend. libr.* quia vento non vivitur *l. 2. C. in fin. de aliment. pupill. præst. Limn. J. P. Lib. 8. C. 7. n. 1.* (2) illos hic intelligi, qui omni destituuntur ingenio, quales sunt furiosi *l. 5. l. 40. de R. l. l. 1. §. 2. ff. de O. l. conf. Grot. de J. B. & P. Lib. II.*

C. II. impotes mentis, imo etiam stupidi & hebetes, quibus nullum inest, nec sperari potest ingenii acumen *arg. §. 4. Inst. de Curat.* Non obstat *l. ob quæ vitia ff. de edil. edict.* Ubi in venditione servi vitium animi non attenditur, nisi ex vitio corporis proveniat. Resp. agitur ibi de servo, a quo operæ corporis, non ingenii præstari solent. Sed si expresse ingenii opera requiratur, aliter decidendum esse judicamus, eo quod res ipsa inutilis ad usum, ad quem destinatur, reddita sit. Et hinc etiam in animi vitio actioni redhibitoria tunc locum esse demonstrant *Fagundez. de J. & J. Lib. 5. c. 38. num. 4. & Du. Brun. ad L. 1. §. 5. n. 10. ff. de Edilit. edict.* Nec obstat hominem propter naturæ vitium jure suo privandum non esse, adeoque nec furiosum, nec amentem dominio excidere recte docuerunt *Victor. de Bello Lib. II. num. 5. 6. 7. Grot. de J. B. & P. Lib. II. Cap. 22. tb. 10. n. 1. & cap. 3. tb. 6.* Stat enim ius illorum intra actum primum, licet propter defectum rationis non possit pertingere ad actum secundum. Resp. Distinguendum est inter *jus quæsitum & quærendum.* Illud nemini auferri posse, & nos non inficiamur. Sed hic de jure acquirendo Quæstio est, in quo incapacitas maxime nocet ob intentionem fundatoris, naturam stipendii & finem, quæ omnia capacitem requirere videntur, *qua de re superius.* Non vero hic tardiores intelligimus, quia in his spes non omnis abest, sed accelerata tantum. Licet enim *male respondeant coacta ingema, & reluctante natura irritus labor sit,* ut loquitur *Seneca de Tranquillitat. animi Cap. 6.* absit tamen, ut tardos a Musarum aditu & consortio excludamus, quin potius de iis optima quæque nobis quandoque polliceamur, cum tales sint durabilioris na-



turæ, & post diligentem culturam satis uberes ferant fru-  
 ctus. *Plutarch. de Educat. Cap. 4. conf. Spizelius in infelici  
 literato. d. l.* (3) hic intelliguntur qui statim initio &  
 naturaliter quasi incapaces fuere, non vero qui, post-  
 quam stipendio digni declarati sunt, morbo, vel alio ac-  
 cidenti facti sunt. Nam afflicto non est ulterior adden-  
 da afflictio, id quod Jura detestantur *l. Divus 14. ff. de  
 Offic. Pres.* Accedit, quod propter interitum metum in-  
 capacitatis ex morbo (cum reconvalescere possit) jus  
 alicui certum auferri nequeat *Grot. Lib. II. Cap. 2. th. 13.  
 num. 4.* Nec obstat (4) casum nocere facienti *l. 15. §. 6.  
 ff. Locati.* adeoque dum specimen eruditionis edere ne-  
 queunt, eos stipendio dignos non esse. Resp. specialem  
 esse Legum favorem erga liberalium Artium cultores,  
 dum, quod ipsis semel datum est, repeti nequeat, si sc-  
 per ipsos non stet, quo minus expleant conditionem.  
*l. 1. §. 13. ff. de Extraord. Cognit. Gail. Lib. II. Observ. 44. n.  
 12. Carpz. P. II. Const. 5. Def. 10.* Morbus tamen hic &  
 furor simulati excluduntur, quia nemini dolus & fraus  
 sua prodesse & patrocinari debet. *cap. 2. in fin. X. de dolo  
 & contumacia. Cap. ex tenore 16. in fin. X. de Rescript. Bald.  
 in Cap. quod in Ecclesiarum 7. n. 55. vers. quia dolus & fraus.  
 X. de Constit. Hier. Schurff. Cent. 3.*

§. 6. Capacitatem itaque ingenii dum prærequi-  
 rimus necessariam, *Quæstioni principali jam locum fa-  
 cimus.* *An quis ad studia animum applicans ad manife-  
 standam sui capacitatem naturalem publico specimine in-  
 conscientia sit obligatus.* Resp. Aff. ex triplici obligatio-  
 ne Amoris sc. DEI, Reip. & Sui. I. Amor DEI hanc in  
 nobis excitat obligationem ex eo, dum imago DEI su-  
 mus *Genes. cap. 2.* Imaginem vero DEI esse ad naturam

ejus h. e. ad summum virtutis gradum accedere. Et hanc non Christianorum tantum, sed & gentilium opinionem fuisse interpres est Seneca : *Nulla modo Tibi prodesse, possum magis, quam si Tibi bonum Tuum ostendero, si TE ab animalibus brutis separo, si cum DEO pono. Epist. 41. § 124.* Jam vero summe Entis est (1) esse communicativum sui & operari, ut id doctissime deduxit. *Petr. Poiret. Tract. de DEO, Anima & Malo in Discurs. Prelim. § 3.* Hinc is ab imagine DEI alienus esse videtur, qui sui tenax, capacitatem ingenii includit, eamque privatis tantum applicat meditationibus, nullam publicæ utilitatis habens rationem. Et hos otiosis similes nec futuri judicii vim evasuros esse recte docuit *Balduinus in Casibus Conscientia Lib. 4. Cap. 4. Cas. 4.* (2) Tum imaginis est revelare bonitatem & essentialem Principalis sui, & hoc est quod Servator vult. *Matth. 5. v. 16. Luceat Lux vestra coram hominibus, ut videant opera vestra bona & glorificent Patrem vestrum, qui est in caelis.* Omnis quippe actio nostra gloriam DEI intendere debet, uti recte Imperator *in Nov. 109.* innuit. Jam vero is, qui celat Divinæ potentia benignitatem sibi collatam, gloria Divinæ adversari videtur. Accedunt (3) expressæ Voluntatis Divinæ monumenta, quorum partem n. 2. exhibuimus, quibus addimus *Luc. 12. v. 47. & c. 13. v. 7. Job. 15. v. 2.* eorumque cumulum auget Parabola de commissa unius Talenti fide, cujus neglectum usum graviter tulisse, ideoque privationem totius in pœnam dictasse œconomus dicitur Dom. *Matth. 25. v. 28.* Talenti vero expressione dotes animi seu capacitatem naturalem intelligi communi consensu fatentur Interpretes omnes. Ex quo fonte egregia videtur de prompta esse JCTi decisio in

*l. liber homo 13. pr. ff. ad L. Aquil.* qua quis sui non Dominus, sed usufructuarius esse asseritur. Jam vero usufructuarii est causam proprietarii non deteriore[m] facere. *l. item si fundi 9. pr. §. 1. §. 4. ff. de Usufr. l. 2. ff. si usufr. petet.*

§. 7. Non obstat (1) animi libertas a DEO concessa, quæ liberam de se suisque actionibus potestatem innuit. Resp. Distinguenda illa est a licentia, quæ male dispensata libertas Senecæ dicitur *L. 1. de Benefic. c. 10.* quæ talis est, si usurpetur contra amorem DEI, proximi & sui. Hinc recte *Cic. Paradox. V. Quid est libertas? Potestas vivendi, ut velis: Quis igitur vivit, ut vult, nisi qui recta sequitur, qui gaudet officio, cui vivendi via considerata atque prævisa est, qui Legibus non propter metum paret, qui nihil dicit, nihil facit, nihil cogitat denique nisi libenter ac libere.* *Conf. Becm. Lin. Doctr. Moral. Cap. 6. tb. 7.* Adeoque Libertas naturalis cum necessitate morali non pugnat. Hinc servus ille allegans expresse timorem & tacite intelligens ignaviam non excusatur, quod talentum totum reddiderit. *Talentum enim quod reddit, non acceperat, ut depositum, sed ut fidei commissum negotiativum, vel ut mutuum. Debuit igitur reddere DEO non modo talentum, sed etiam officium cum lucro.* *Conf. Pareus ad Matth. cap. 25.* (2) Non obstat expectandam esse Divinam Voluntatem in legitima vocatione, quam quis antevertere videtur specimen eruditionis edendo, cum tamen ab ambitu & simonia quilibet sepositus esse debeat *l. 31. C. de Episcop. & Cler.* imo ut quis quærat cogendus, rogatus recedat, invitatus effugiat, requirit. *Perez. ad d. t. n. 2.* Ita de Cornelio Episcopo Romano. *Cyprian. L. 4. Epist. 2. ad Antonian.* *Iste*  
*ad*

ad Episcopatum non subito pervenit, sed per omnia officia ecclesiastica promotus, & in divinis administrationibus Dominum saepe promeritus ad Sacerdotii sublime fastigium, cunctis religionis gradibus ascendit. Tum ipsam Episcopatum nec postulavit, nec voluit, nec ut ceteri, quos arrogantia & superbiae suae tumor inflat, invasit, sed quietus & modestus & quales esse consueverunt, qui ad hunc locum divinitus eliguntur, pro pudore virginis conscientiae suae, & pro humilitate ingenita sibi & custoditæ verecundia, non ut quidam vim fecit, ut Episcopus fieret, sed ipse vim passus est, ut Episcopatum suscipere, conf. *Dannhaw. P. II. Theol. Cas. Sect. 4. Q. 6.* Resp. hoc ipso obtrusio spontanea in primis malis artibus, pretio, commendatione illegitima damnatur, non vero medium emergendi justum publica Ecclesiae & Reip. autoritate receptum: quale quid Specimen Eruditionis sacrae & profanae esse nemo prudens vocabit in dubium, alias enim de capacitate constare non poterit, cujus tamen cognitionem necessario praemittendam esse docuit *Dannhawer d. l.* Jam quod publica autoritate receptum est, id ab ipso publico factum praesumitur, nec injustum dici poterit. *Crauetta Consil. 144. num. 3.* *Sturdus de alimentis Tit. 8. pr. 56. num. 88.*

§. 8. Succedit II. amor Reip. & Proximi, cujus utilitatem & salutem promovere est boni civis: dum enim quis membrum Reip. tanquam corporis est, membri quoque munia explenda erunt promovendo salutem totius & partium. Hinc recte Cicero, *Vir bonus, inquit & sapiens, & legibus parens, & civilis officii non ignarus utilitati omnium plus quam unius alicujus aut suae consulit. Lib. III. de Finib.* Promovetur vero utilitas Reip. ele-

electione dignorum, & bene merentium ad officia, l. 4.  
C. de Statuis & Imag. l. unic. C. de Potior. ad Munera no-  
min. Electionem vero præcedere debet cognitio, qua  
constet de Capacitate eligendi, quaque omiſſa vitium  
Electioni inesse recte docuit *Perez. in Comm. C. ad d. l.*  
*unic. C. de Potior. ad mun. n. 3. & 4.* Quam cognitio-  
nem non nisi per Specimen Eruditionis prodi posse, in-  
dubium est. Accedit, quod, postquam quis habilis de-  
claratus est, cogi possit ad munus Reip. suscipiendum,  
nec alia excusatione tutus sit, nisi aptiorem ostendendo  
*per d. l. unic.* de quo etiam aliter constare nequit, quam  
si propria prius aptitudo bona fide innotuerit Reip. Hinc  
peccatur ex neglectu speciminis (1) contra Remp. cujus  
utilitati promovendæ se subtrahit (2) — contra Patronos  
eligentes, quos decepit, dum ignorantiam simulat. Pa-  
tronorum enim est dignos eligere, adeo ut si forte indi-  
gnum elegerint, ad damnum inde emergens Reip. resar-  
ciendum teneantur. *Bobadilla Lib. 1. Polit. c. 3. n. 76. & L.*  
*3. c. 8. n. 45. 46. Guttierrez. L. 2. Can. quæst. c. 11. n. 1. Molin.*  
*de Hispan. Primog. L. 2. c. 5. n. 46. & Perez. ad d. l. un. C. de*  
*Potior. ad muner. nom.*

§. 9. Obſtare videtur, quod Reip. non subsit a-  
ctus non socialis, qualis est Eruditio. Resp. Eruditio in  
se quidem spectata socialis virtus non est, redditur tamen  
talis pro certo rerum statu, & ad occurrendum necesſi-  
tatibus humanis. Hinc illam Reip. quoque subjectam  
esse ex vi Domini supereminens deduci potest argu-  
mento *Grotii de I. B. & P. Lib. 2. c. 25. tb. 3. n. 4.* Superior,  
inquit ille, potest subditum cogere, non tantum ad id, quod  
jure debetur stricte dicto, sed etiam ad alia, quæ virtus  
qualibet præcipit, quia in jure proprio superioris hoc est  
comprehenſum.

§. 10. Restat III. Amor sui, quem non tantum Natura ipsa inprimit. Nam simul ac natum est animal, ipsum sibi conciliatur & commendatur ad se conservandum, atque ad suum statum & ad ea, quae conservantia sunt ejus status, diligenda. Grot. L. 1. c. 2, th. 1. Sed & Sacer Textus praecipit, & tanquam naturalem instinctum praesupponit: Nemo enim unquam carnem suam odit, sed nutrit ac fovet eam ad Ephes. 5. v. 29. & Stolidus, dicitur, is qui consumit carnem suam apud Eccles. IV. v. 5. Jam vero qui Eruditionem suam nullo probat specimine, ut electus forte sua quoque commoda promovere possit, negligit studium se conservandi: Nam Sapiencia absconsa, & Thesaurus invisus, quae utilitas in utrisque Syrac. 20. v. 32. Huc trahendum egregium Gerbardi judicium ad

Matth. Cap. 25. §. 25. Qui donis ad docendum sufficientibus instructum se sentit, oret DEUM, qui operarios extrudit in vineam suam, ut per vocationem ordinariam ipsum mittere dignetur, quin nec indecorum nec inconveniens est; ut talis operam suam Ecclesia ad Ecclesiasticam dignitatem offerat, atque sic honestam vocationem expectet.

§. 11. Et haec ab amore sui deprompta decisio ulteriore deductione non egeret, utpote firma per se & constans, nisi obstantia prius diluenda essent argumenta, quae vim habere videntur. Et quidem (1) invito conferri beneficium non posse l. 69. ff. de R. J. Resp. limit. nisi tertii jus simul concernat ut hic Reip. cujus interest bene meritos ad officia eligi l. 3. §. praeses ff. de muner. & honor. Bronchorst. ad d. l. 69. de R. J. (2) contra modestiam quis peccare videtur, qui se ipsum tunc laudat, vel laudes captat, specimen Eruditionis edendo, juxta commune proverbium: *Propria laus sordet*: Resp. non omnem

10  
omnem propriam laudem improbari, sed illam tantum,  
quæ cancellos recti & honesti excedit, illam vero quæ  
tendit in conservationem sui, vitæ suæ, sui que honoris,  
naturali ratione, & publica autoritate approbari, de-  
monstravit *Thomas. Exercit. de Philantia c. ult. § 79. conf.*  
*Excell. Dni. Petti Schultzii Diff. de Jure Commend.*

§. 12. Jungenda jam venit paucis Capacitati Na-  
turali *Capacitas Industrialis*, cujus notam & testimonium  
exhibet Specimen Eruditionis proprio Marte elabora-  
tum. Industriam vero & diligentiam hic requiri innu-  
it (1) natura *Studiosi*, cui a studiis & solertia nomen est,  
adeo ut is, qui diligentiam suam non probat aliquo a-  
ctu, nec studiosus dici mereatur, nec Privilegiis Studio-  
torum gaudere possit. *arg. l. 9. C. de SS. Eccles. § l. in ho-  
noribus 8. ff. de Vocat. muner. Christ. Vol. 1. dec. 10. Brunni.*  
*ad d. l. 9. n. 5.* Accedit (2) Natura *Stipendiati* cujus est  
mereri industria beneficium sibi collatum, cum alias e-  
vertatur finis stipendii, Resp. inde incurrat damnum,  
& dignioribus hac ratione ad studia & stipendia capessen-  
da præcludatur aditus. *Conf. Carpz. Dec. 198. n. 12.* Quam  
profectuum habendam esse rationem in Stipendiatis in-  
nuunt verba Rescripti Elector. Saxon. Facult. Witteberg.  
Euch ist unverborgen / daß unser Juristisches Stipendi-  
um, welches bisshero bey euch N. N. gehabt / nach des-  
sen Endung wieder zuersehen vonnöthen; wann dann  
bey uns N. und N. angehalten / als begehren wir hie-  
mit gnädigst ihr ingesamt wollet beyde Supplicanten /  
neben andern unsern bey euch vorhandenen Stipendia-  
ten Juris von euch fordern / sie mit Fleiß examiniren /  
wie ein jeder bestanden / uns eine Censur übersenden /  
und aus allen denen / bey denen Pflichten / damit uns  
E 2 ihr

ihr verbunden / drey Personen / welche die besten profectus in Jure haben / ohn allen andern respect unverzüglich präsentiren &c. *Carpz. Jurispr. Eccles. Lib. II. Def. 409. His jungi possunt Verba Ordinat. Eccles. Rubric. von den Stipendiaten Cap. 1. in fin. ibi :* Damit jederzeit wo in der Kirchen oder Schulen Mangel an Leuten vorfallen / die Nothdurfft aus denselben ersetzt / und ein Vorrath von gelehrten Leuten durch Gottes Gnade und Seegen erzogen werden möge. *Industria vero hic non fictitia aut simulata, sed vera intelligitur, adeoque si quis specimen Eruditionis non proprio Marte compositum pro suo venditet, peccare tunc recte dicetur (1) quod personæ industria hic sit electa: id quod eo sensu abundat, ut tunc propriæ operæ non aliæ admittantur. (2) quod hac ratione publicum decipiatur, cum homines plus sperent, quam est, promovendo indignum & sic Remp. & Ecclesiam maximis immergendo periculis & incommodis. qua de re supra jam actum.* Hinc Præsides tales maxime peccare indubium est, qui sc. præter merita Respondentibus suis attribuunt laudes, id quod jucundo versu expressum exhibet *D. Besoldus in Thesaur. Practico Voc. Doctor.*

Da kompt oft mancher her mit eilich wenig Bogen/  
(Die Er doch nicht gemacht) groß pralend auffgezogen/  
Und sagt / daß seye nun sein Disputation,  
Die Er pro gradu hält / versteht doch nichts davon.  
Dann wann Herr Urian hinkompt auf das Catheder  
So schweigt Er wie ein Maus / ihm zittert sein Geäder  
Und alle Darm im Leib weiß weder aus noch an  
Weil Er kein Argument nicht assumiren kan.  
Wie im Examine sie als die Stummen schweigen /  
Und ihr Unwissenheit mit Reden mehr bezeugen  
Das ist genug bekant / und hat ein kleiner Spalt  
Oft solches offenbahrt / wiewol mans heimlich halt.

Noch



Noch gleichwol Kompt hernach der Präses auffgetreten  
Und sagt uns / wie wir da ein Candidatum hätten /  
Der war so hoch gelehrt / in allen so versirt,  
Daß Er die Doctors Stell wol doppelt meritirt.

## Caput II.

De

# Objecto Obligationis seu Specimine Eruditionis Edendo.

### CONSPECTVS.

§. 1. *Eplificatio terminorum speciminis.* §. 2. *Et Eruditionis.* §. 3. *Quo in gradu Eruditionis Specimen edendum?* §. 4. *Quæ facultas a Stipendiario eligenda, & in qua Specimen edendum, si nihil ea de re dispositum fuerit a fundatore.* §. 5. *Temperamentum additur in eligendo studio.* §. 6. *Quid si facultas a testatore præscripta? quo genere seu modo Specimen edendum?* Resp. (1) *examine, non favore sed pro conscientia instituto.* §. 7. (2) *Disputationibus.* §. 8. (3) *Concionibus doctrinariis.*

§. I.

Specimen jam Eruditionis edendum, tanquam Objectum intentionis examinandum instat. Varie illud edi posse constat, & quidem (1) per Examina, ex quibus Eruditio alicujus luculenter perspici potest. vid. *Carpz. Jurispr. Consistor. Lib. I. Tit. IV. Def. 49. Finckelthaus. de Jure Patron. cap. 6. n. 140. & Ordin. Eccles. Saxon. in Rubric. von Veruff und Annehmung der Kirchen-Diener.* (2) per Disputationes, quæ etiam nomine Speciminis veniunt, cum ab omni ævo dignissimum habitum

fit Studiorum experimentem illis committere, cum nemo sit quem non pudeat convinci disputantem. *Augustin. Soliloqu. c. 7. conf. Limn. de J. Publ. Lib. 8. c. 6. num. 71. 74.* Sed hac de re infra fufius. (3) Conciones *deniwasinās* seu die Probpredigten. *Ordinat. Eccles. Elect. Saxon. sub tit. vom Examine aller Kirchen Diener. &c. §. Also ist auch fol. 95.* quibus dona alicuius populo innotescant. *Rittershus. ad Novel. P. 1. c. 7. n. 36. & 37. Carpz. Jurispr. Consist. Lib. II. Tit. 16. D. f. 256. n. 5.* Analogiam quandam habet in opificiis das Meisterstück / quod perficitur hanc ob causam, ne idiotæ & imperiti, cum damno civium, ad exercendam artem, quam non perfecte didicerunt; admittantur, ne quis prius efficiatur magister, quam discipulus. *Matth. Steph. de Jurisd. Lib. II. P. 2. v. 8. n. 54. Limn. de J. P. Tom. 4. Lib. 4. c. 8. vid. & Besold. Thef. Pract. Voce Meisterstück.*

§. 2. Eruditionis in genere considerata nomen, cum applicari soleat & ad summam ejus speciem & ad infimam : *Speidel. in Additam. Pract. ad Voc. Gelehrf.* Quæritur jam, quo in gradu Eruditionis Specimen edendum sit? Eruditio in infimo gradu h. e. in legendo & scribendo sufficere videtur *arg. §. 8. Inst. de Excus. Tut. & Curat. l. 6. §. ult. b. t. & l. 93. §. 1. ff. de Acquirenda vel omitt. heredit.* Utpote quæ sufficere dicitur ad utilitatem Reip. promovendam in administrando Tutelæ munere, id quod etiam publicum in Jure nostro dicitur. *Pr. Inst. de Excus. Tut. & Curat. vid. Cujac. ad b. t.* Bartolus ad humaniorem literaturam, Grammaticam sc. & Rhetoricam respexisse videtur, dum expensas ad studia filii destinatas non ultra extendi voluit, quam quæ sufficiunt ad promovenda Grammaticæ &c. studia, *In l. legatis ff. de alim. & cibis.*

*cibar. relict.* Qui summam Eruditionem requirunt, eo nituntur fundamento, quod ea demum sit vera eruditio, quæ summa seu potius doctrina dicenda. Hanc sc. inter Eruditionem & Doctrinam differentiam ex Autoribus Classicis deducunt. *Besold. & Speidel. ad voc. Gelehrte. & Rupert. ad C. Sallust.* Dum Doctus refertur ad disciplinas graviores, & solidam perfectamque doctrinam; Eruditus vero ad humaniorem literaturam & elegantiam.

§. 3. Verum omnia hæc nec in totum rejicienda, nec in totum admittenda. Eruditionem in legendo & scribendo sufficientem admittimus pro ratione Loci, Modi, Ætatis & Finis. *Ratione loci*: in Russia ultra legendi & scribendi Scientiam eruditum esse non conceditur, dictante id ratione status, quæ non patitur subditum. Duce ipso doctiorem. *Olear. Lib. 3. c. 21. & 25. Conf. Chy. Func. Brev. Orbis hodie imperantis. Cap. 3. Erotem. 23.* Jam vero mores & consuetudinem cujusque regionis attendi justum esse dicitur *l. si fundus. 6. ff. de Evict. l. semper in stipul. ff. de R. J. l. 1. C. de mancip. liber. l. 2. C. Quem adm. testam. aper.* *Ratione Modi*: Si hic præscriptus fuerit Stipendiario, ut eo usque studia exserat, valebit inde, quod pacta dent legem Contractui. *l. 1. §. si convenit ff. Depos. l. contractus 23. ff. de R. J. Bald. in legem quoties 12. n. 4. C. de suis & legit. lib.* *Ratione ætatis*, si forte exiguum tempus alicui concessum fuerit, sic non ultra exigendum, quam vires suppetunt, cum impossibili nulla sit obligatio *l. impossibilium 185. ff. de R. J. l. 35. l. 69. de V. O. c. 6. de R. J. in 6.* Et si enim Stipendiarius teneatur ad Specimen eruditionis edendum, attamen non aliter intelligendum, quam in casu possibili, quando factum præstari potest, secus ubi præstari non potest.

*Carpz.*

*Carpz. L. 3. T. X. Resp. 49. n. 15. Ratione Finis* item recte attenditur, an quis tantum ad tale munus obeundum destinatus sit, ad quod sufficienter humaniores literæ. Ita ad Tutelæ munus sufficit, si quis legere aut scribere sciat *arg. §. 8. l. de excus. Tut. & Curat. l. 6. §. ult. b. t.* Eodem modo judicandum erit de Bartoli opinione; nisi & insuper addendum, ipsum locutum fuisse de moribus seculi sui, quo omnis eruditio monasteriis inclusa fuit, laicis ab aditu ejus exclusis, teste Gramondo d. l.

§. 4. Ubi vero majore opus est eruditione, tale quoque eruditionis hic præsumitur intellectum specimen, quale tempori, & loco, & ætati & fini conveniens est. Ita in Theologo ad officium vocando id graphice requirit D. Dannhavver. *Eligatur*, inquit, *non qui solo ætatis privilegio gaudet, quem πολυτενία ad lautioris salarii ὀρεξίω stimulat, e predicamento passionis patientior, sic enim fieri potest, ut indigniores promoveantur, digniores posthabeantur: sed qui in predicamento actionis ad τοῦδε ἡ ἡγῆ ὑὸν ἡγῆ τοῦ ἔ ἐνεκα aptior; qui plus se exercuit specimenibus, non tantum editis, sed & egregie editis; ad summam, unde fructus fertilior & succulentior speratur anteferendus illi, unde vel nullus vel minor.* Nec admittendus est, sub conditione resarciendi neglecta vid. idem. *Dn. D. Danubawer. P. II. Spec. Theol. Symbol. conf. D. Balduin. L. IV. Cas. Consc. c. 6. cas. 8.* In ICto eruditionem suam per Specimen probante, requiritur ut tale sit, ex quo constare possit de capacitate muneris subeundi *l. nemini licere II. C. de Advocatis divers. Jud. Speculat. L. 1. P. 4. Tit. de Advocat. §. 1. n. 32. Berlich. P. I. Concl. 9. n. 56.* Idem in Medico observandum. De cujus enim vera & perfecta scientia non constat, nec Medici,

dicus dicendus est. *Farinac. s. Crimin. q. 120. n. 76. 77.*  
Adeo que qui talem se mentitur, neque est, pœnam doli  
sustinet. *Menoch. 2. de arbitr. quest. Cas. 581. Ripa de pest.*  
*tit. de Remed. contra pestes Medicor. 66.* Nec minor cir-  
ca Magisterii honores candidatis Philosophiæ conferen-  
dos adhibenda cura, ut per specimina diligentia eorum  
& eruditio innotescant. *arg. l. 57. ff. de V. S. conf. Besold.*  
*Diff. spec. de Magistris & Baccalaureis.*

§. 4. A gradibus Eruditionis specialius ad Facul-  
tates deveniamus, quærendo, *quam facultatem stipen-*  
*diarius eligere, inque ea specimen eruditionis edere obliga-*  
*tus est?* Præsupponendi hic sunt initio casus, & qui-  
dem (1) si nulla Facultas a fundatore præscripta fuerit, sic  
liberum erit stipendiario eligere, quamcunque libuerit,  
cum conditio & modus legati etiam in voluntatem Lega-  
tarii conferri possit. *l. 65. §. 1. ff. de Legatis 1. conf. Donell.*  
*L. 8. c. 15. pr. lit. b.* Inprimis si conditio natura sua sit ju-  
sta & legitima. Jam vero omnibus Facultatibus sua in-  
est dignitas, sua utilitas, ut ita Studiosus, cujuscunque  
Facultatis sit, DEO, Ecclesiæ & Reip. inservire possit.  
*Carpz. Jurispr. Consist. L. III. Def. 12.* Theologiæ dignita-  
tem dubiam quis non facile reddet, nisi quis humanæ  
rationis usu privatus fuerit. Interim non obstant calu-  
mniæ Jctis objectæ, communi Proverbio *Juristen böse*  
*se Christen* & autoritate Lutheri in iisdem verbis fun-  
data, quorsum & illud tendit, Jctum malum esse Chri-  
stianum *Meteran. L. Histor. Belgic. ad fin.* Sane si simu-  
latam, perversam, artibusque illicitis mixtam quis eo  
intellexerit Jurisprudentiam, optimo jure ipsam damna-  
tam habeat. *conf. fus. BechSt ad. in præfat. Tractat. de Bello.*  
*Walther de Privil. Dd. p. 163. Klock. Consil. 29. n. 268. Besold.*

*Tract. Polit. de Educat. p. 134.* Verum hæc simulata Jurisprudencia non est nisi nomine talis, adeoque & nomine indigna, illaque demum vere talis est, quæ justitiam ab injustitia distinguit, boni & æqui scientiam introducit. *l. 1. ff. de J. & J. Struv. Exercit. 6. §. 14.* adeoque Decalogum in se continere dicitur recte *Castelio de Statu Publico Europæ. c. 34. §. 42. 43.* nullamque differentiam inter JCtum, & virum bonum intercedere notavit *Gotbofr. in Not. ad L. 1. §. 3. lit. n. ff. de peric. & commod. rei vendit.* Accedit ipsius Lutheri interpretatio *In der Predigt das man Kinder zur Schule halten solle Tom. V. Jen. Germ. f. 180.* JCtorum ordo, inquit ille, *DEI donum est eximium, utpote quorum beneficio imperia, magistratus, dominia, cujusque vita & bona, uxores, liberi, amici, contra malorum hominum injurias defenduntur, pax & tranquillitas bona generis humani inestimabilia stabiliuntur, nulli libri pro dicendis illorum laudibus sufficient. conf. Exc. Dn. D. Schelvigii Programm. Anno 1688.* Quæ contra Medicinam afferuntur, ejusdem momenti sunt, conferri que poterit. *Martin. Centur. 9. Disp. ult. §. ult. & Dissert. Dn. Præsid. de Contractu Med. cum Ægrot. c. 2.* Quantum Philosophiæ illudatur ab ignaris occasione c. 2. ad Coloss. vid. *Befold. ad voc. Philosophie* Interim id de vera Philosophia dici nequit: de qua *Scheckius L. 1. Demonstrat. egregie judicavit: tunc sc. demum beatas & quietas fore Ecclesias, si aut Philosophi veri dent operam Theologiæ, aut Theologi philosophentur pie.*

§. 5. Quanquam & hic caute & conscienter eligendum sit studii genus: quod qua ratione institui possit, demonstrat *Dannbawer. Conf. Theol. P. II. Dial. 3. Q. 5. p. 710.* sc. attendendum esse ad naturalem instinctum, qui

voluntatis Divinæ circa talenti commissi dispensationem esse poterit interpres, imo & preces jungendas, quibus major eliciatur voluntatis Divinæ in stipendiario sensus. Nec spernenda item Virorum prudentum consilia, in scrutinio ingeniorum instituendo. *Conf. Janus Huartus in Tract. de Scrutin. Ingenio. in Proem.*

§. 6. Posito vero jam (2) certam Facultatem a Fundatore præscriptam; qua ratione tunc Stipendiario studii genus eligendum, & specimine exprimendum veniat. *Cap. III. exponetur.* Propius hic accedamus ad Quæstionem principalem, *quo genere specimen optime edendum sit, ut de profectibus & eruditione constet.* Varia ejus genera esse supra expositum fuit, quibus singulis sua inest utilitas. De Examinibus certum est, optime illis explorari posse vires, & profectus Stipendiati, ita tamen ut Inspectores Examinis non favore, sed rei veritati ducti testimonium examinis præbeant, quæ de re egregie iterum *Ordinat. Stipend. Coburg. verb.* Sollen die Inspectores wie ein jeder bestanden/und ihre Censur und Bericht nicht nach Gunst oder Freundschaft/sondern nach ihren Pflichten/ damit uns sie verwand/und nach ihren guten Gewissen/ als wir ihnen zutrauen/ übersenden. Eadem ratione Stipendiati conscientia exigit, ne is se subtrahat Examine *per d. Ordin. Eccles. Cob. §.* Es sollen unsere ibi. sonderlich bey den Examinibus, welche alle halbe Jahr mit ihnen angestellet werden/ sich jederzeit einstellen / und ohne sonderbahre Erlaubniß unsers Consistorii, und des Inspectoris von denselben sich keinesweges absentiren/ damit wir nicht zu ernstern Einsehen und Enziehung des Stipendii, durch ihren Unfleiß bewogen werden. *conf. plur. Dn.*

*Fritsch. d. Tract. c. 9. n. 40.* Et horum Examinum usum in rebus Ecclesiasticis tanti habuit antiquitas, ut jam inde ab Apostolorum temporibus in Ecclesia Examina Catechetica recepta, & pars essentialis ministerii necessaria fuerint. *Brumm. Consil. 142. n. 94.* Huc trahenda Examinis necessitas in Academico Doctore. *Additionator ad Lecturas Martini Uranii ad c. super eo 2. X. de testibus n. 6. f. 115.* adeoque minor fides habetur Ddibus Bullatis. *Melander in Comment. ad Process. Noe Meurers. f. 115. verb.* Es würde auch besorglich dieses einer Academie verfleinerlich seyn / wann dergleichen unexamirte Ddres gemacht würden.

§. 7. Succedunt Disputationes, quæ partim quoad compositionem, partim quoad Respondendi & Opponendi promptam facilitatem, testimonium diligentia præbere solent. Quoad compositionem observandum (1) ut proprio Marte vel in totum, vel ex parte elaborentur, cum alias nec Præses nec ipse Respondens a suspicione doli immunis sit, & fundatoris intentio eludatur, & publicum præsumptione vana decipiatur. *conf. §. ult. Cap. 1. & Thomaf. Tract. de Plagio Literario.* (2) ut materia non ridicula, nec inutilis, sed seria & ad vitam apta eligatur, cum hac ratione de ingenio & præcedentis vitæ abusu judicetur. *Nuga enim delectant imbecillia ingenia, sicuti monstra in picturis:* ut recta iudicavit *Scalig. Exercit. 62. L. 1.* Idem iudicium est *Senec. de Brevit. Vita c. 13. conf. Linn. de J. P. L. 8. c. 6. n. 72.* (3) ut non adversetur religioni in Regno receptæ, imò nec illi quam fundator præcipit. Et hinc expresse in Ordinatione Stipendii Magdeb. *Tit. 8.* cautum: *Es sollen alle Stipendiaten bevorab bey diesen besorglichen Zeiten / das*

Ju-



Juramentum Religionis, ebe sie die Assignation empfan-  
 gen / ablegen / 20. Quoad promptam Respondendi &  
 Opponendi facilitatem, dubium videtur, an inde elici  
 possit testimonium diligentia (1) cum saepe usu veniat, ut  
 homo deficiat, etiamsi ratio non deficiat, adeoque quia  
 non est omnium disputare, ideo pauci disciplinae dispu-  
 tandi gnari sunt. *Augustin. de Verb. Dom. Serm. 38. Nazi-  
 anz. August. L. 2. Soliloq. c. 14.* (2) obstat saepe naturalis  
 modestia & generositas animi, qua a contradictionibus  
 adeoque disputationibus natura abhorret, & saepe pro-  
 caciorebus major inest facundia. *Conf. Diss. de Regal. in  
 Append. Besold. c. 10. p. 136. conf. Heider. de Ira f. 102. Thom.  
 a Villa Nova in Concion. f. 165.* Verum respondetur, id  
 iudicio boni & aequi censoris reliquendum, cujus erit ex  
 circumstantiis judicare de capacitate Stipendiati, adeo-  
 que & hic modestiae argumentum obtinebit in studio di-  
 versa tuendi, modo alia ratione constet de habilitate.  
 Caterum non diffitemur, magnum seculo nostro inter-  
 cessisse disputandi abusum, de quo *Grot. in Proleg. §. 52.*  
*Antiqui in ipso diversa tuendi studio laudabile praebuerunt  
 modestiae argumentum, rationibus inter se certantes, non  
 qui nos nuper literas adeo inquinare capit, convitiis, tur-  
 pi factu impotentis animi. Nec incongrue Excell. Dn. Becm.  
 in Cons. Doctr. Polit. c. 1. p. 4. incommoda talium Dispu-  
 tationum ita exprimit. Preparare sc. illas animos ad va-  
 rietatem sententiarum & contradictiones in publicis nego-  
 tiis excipiendas, adeoque esse instar venationum apud Prin-  
 cipes, quae bellorum in pace imagines sunt.*

§. 8. Quid de concionibus dokimasticis seu  
 Prob Predigten sentiendum sit, egregie *Gerhard. ad  
 Matth. c. 25. p. 1095.* jam tradidit. *Non est indecorum nec*

*inconueniens, ut quis operam suam Ecclesie ad Ecclesiasticam Functionem offerat, atque sic honestam vocationem, expectet. Adeoque sine suspitione obtrusionis, imo & ex conscientia manifestare quis tenetur talentum sibi concreditum qua de re Cap. 1. Qua ratione vero instituendæ sint, Theologici fori est, & in genere idem fere modus illis præscribendus, qui ordinariis iungitur, vid. B. Dannhauer P. II. Specul. Theol. Symbol. Dialog. III. 2. 15.*

### Caput III.

De

## Obligationis Causis.

CONSPECTVS.

§. 1. *Duplex Obligationis causa exponitur Principalis & Instrumentalis. §. 2. An fundator onere Speciminis edendi gravare possit Stipendiatum. §. 3. An certum temporis annum illi præscribere. §. 4. An modum & conditionem. §. 5. Resolvitur dubium: in incertam personam conferri beneficium, adeoque inutile esse. §. 6. An certam Facultatem præscribere & in illa certas hypotheses. §. 7. An Patroni obligare possint.*

§. I.

**O**bligationem a Causa deducturi, duplicem istam præsupponimus, Principalem seu Constituentem & Instrumentalem seu Administrantem. Principalis causæ nomine Fundator gaudebit, qui donat Stipendium, ut bonæ indolis iuvenes, cum familiares, tum extranei, ex redditibus sustentati secundum foundationis literas & leges  
flu-

studiis operam navent, familiæ ornamentum, Reip. Sa-  
lutem & DEI gloriam promoveant. *Gockel. de Pii Do-  
nation. tb. 3.* Nec interest, quisnam & cujus conditionis  
sit, modo facultate alienandi gaudeat, cum nihil tam  
conveniens sit æquitate naturali, quam voluntatem Do-  
mini volentis rem suam in alium transferre ratam haberi  
§. 41. *Inst. de Rer. Div.* Adeoque a diversis fundato-  
ribus diversa quoque stipendiorum genera dicta sunt,  
qualia a Principibus, Comitibus, Nobilibus fundata  
**Fürstliche / Gräffliche / und Adelige Stifte** appel-  
lantur. *Conf. Besold. in Thes. Pract. Continuat. ad voc. Schul  
Stipendiaten.* Eadem ratio est stipendiorum a Civitati-  
bus privatisque fundatorum, quæ iisdem privilegiis gau-  
dere recte docuit *Abasver, Fritsch. Tract. Nom. Polit. de  
Stipendiis & Stipendiatis c. 4. n. 13. 14. 15.* quo in loco in-  
primis Civitates Lubecam, Noribergam, Ratisbonam  
& Vratislavium commendat, quibus si non superiorem,  
æmulam certe se præbet Civitas nostra Gedanensis.

§. 2. Exinde jam deducendum, *an fundator hac  
conditione seu potius hoc modo gravare possit stipendium,*  
*ut quis edat specimen Eruditionis.* Resp. Aff. (1) quia  
quilibet tam in actibus inter vivos, quam inter mortu-  
os modum & conditionem alienationi rei suæ imponere  
potest. *tt. C. de bis qua sub modo l. 17. §. 2. ff. de manum.  
test. l. 7. & 37. ff. de contrab. empt. & l. 11. §. 9. ff. Legat. III.*  
Accedit (2) pie acturum fundatorem, si modum certum  
studiorum præscribat, ut hac ratione magis excitentur  
animi ad studia intensius & diligentius tractanda, cum  
inter sit Reip. non simulata sed vera instructos philosophiâ  
& eruditione habere cives *arg. l. 1. ff. de J. & J. Conf. Pe-  
rez. ad d. t. C. de Profess. qui in Urb. Constant. L. 12.* Et  
hac

hac ratione finis stipendii maxime obtinetur : id quod  
verba ultima c. 1. der Chur = Fürstl. Sächs. Stipendiat-  
Ordnung in fin. egregie innuunt Verb. damit jederzeit/  
wo in Kirchen oder Schulen Mangel an Leuten vor-  
fällt / die Nothdurfft auß denselben ersetzt / und ein  
Vorrath von gelahrten Leuten durch Gottes Gnade  
und Segen erzogen werde möge.

§. 3. Imo etiam certum annorum terminum  
Specimini edendo præscribi posse extra dubium est arg.  
§. 32. *J. de Legat.* In eo tamen prudentia & animi mo-  
deratio Fundatoris commendatur, si justos limites præ-  
scribat, intra quos probabiliter edi possit specimen. Et  
ut tantum de Professoribus summarum Facultatum loqua-  
mur, (de his enim & scopus Disputationis nostræ agit,  
cum regulariter tum conferri soleant stipendia, post-  
quam quis rudiorum literaturam superavit. *Meisner in*  
*Schol. Babyl. P. 11. §. 57.*) quinquennium aliis justus vi-  
detur terminus esse; eo enim in specie Jurispruden-  
tiam absolvi posse, innuit Imperator. §. 3. *J. Proem. &*  
*Const. Omnem ff. §. 2.* Idem in Camera Imperiali deci-  
sum fuisse vult *P. 1. Tit. III. §. 1.* An vero hæc annorum  
determinatio in reliquis studiis obtineat, dubitare licet.  
Quinquennium, vel Sexennium quidem placere vide-  
tur *Abas vero Fritschio d. l. c. 6. n. 12. arg. Ordinat. Eccles.*  
*Coburg. Verb.* Wir wollen auch / daß hinführo die  
Stipendia einem jeden Beneficiario 5. Jahr gereicht  
werden solle. *Et in Ord. Magdeburg. Stipend.* in quo se-  
xennium decisum est. Verum, si, quod res est, dicen-  
dum, & hanc determinationem annorum valere quidem  
posse ratione Stipendii fruendi, non vero ratione Speci-  
minis edendi, ob diversitatem ingeniorum, quorum alia

præ aliis citius matureſcunt. Quæ ratio etiam quin-  
quennii Juridici in arbitrarium tempus mutati allegatur  
in *Receſſ. Imper. de Anno 1634. §. 28. in ſin. verb.* Auch  
nicht ſo ſtaret auf das Studium quinquennale auf deut-  
ſchen Univerſitäten ſondern auf Qualitet und Geſchick-  
ligkeit geſehen werden ſoll. Et ita benigne in Ordinat.  
Eccleſ. Coburg. deciſum, ut ad 5. annos ſtipendium con-  
ferri debeat, augendum tamen ſi ſpes profectuum adſit  
§. Wir wollen verb. würde ſich nach Aufgang der ſel-  
ben 5. Jahr befinden / daß eine ſonderliche Hoffnung  
bey einem Stipendiario eines vornehmen profectus ſich  
ereigene : wollen wir auf ein oder mehr durch ein  
ſonderbahres Indult das Stipendium ihm prorogiren /  
auch mit Gelegenheit mit einer Zubuß vermehren.  
Accedit tutius obtineri ſinem Stipendii (quem ſupra ex-  
poſuimus, ſc. ut tanquam dignus, Eccleſiæ, & Reip. in-  
ſervire poſſit) ſi arbitrarium tempus pro modulo ingeni-  
orum conſtituatur. *1602. 1603. 1604. 1605. 1606. 1607. 1608. 1609. 1610. 1611. 1612. 1613. 1614. 1615. 1616. 1617. 1618. 1619. 1620. 1621. 1622. 1623. 1624. 1625. 1626. 1627. 1628. 1629. 1630. 1631. 1632. 1633. 1634. 1635. 1636. 1637. 1638. 1639. 1640. 1641. 1642. 1643. 1644. 1645. 1646. 1647. 1648. 1649. 1650. 1651. 1652. 1653. 1654. 1655. 1656. 1657. 1658. 1659. 1660. 1661. 1662. 1663. 1664. 1665. 1666. 1667. 1668. 1669. 1670. 1671. 1672. 1673. 1674. 1675. 1676. 1677. 1678. 1679. 1680. 1681. 1682. 1683. 1684. 1685. 1686. 1687. 1688. 1689. 1690. 1691. 1692. 1693. 1694. 1695. 1696. 1697. 1698. 1699. 1700.*  
§. 4. Porro ſtricto Jure Fundatori liberam circa  
modum & conditionem concedi facultatem, ſupra de-  
monſtratum. Non obſtat *l. 70. ff. de Legat. 2.* in qua  
legatarium, adeoque ſtipendiarium non poſſe in plus o-  
nerari, quam accepit: Reſp. id in quantitate verum,  
non vero in ſpecie v. c. ſi legati fuerint Sempronio 100.  
Taleri, ut navem, quæ plus valet, reſtituat. Acceptan-  
do enim legatum ad navem præſtandam tenetur, nec ad  
reſiduum valoris actio datur. *Donell. L. 8. c. 9. tit. C. Me-  
noch. Conſil. 206. n. 95.* Idem obtinet in facto, quale hic  
intercedit, ad quod quis obligatur acceptando legatum  
minoris valoris. *l. 36. ff. ad L. Falcid. Menoch. Conſil. 206.*

n. 95. Nec obstat (2) Impossibilitas, ratione exigui temporis & Stipendii, quæ pro non adjecta haberi solet §. ult. *J. de legat.* Resp. distinguendo inter impossibilitatem in abstracto, vereque talem, & in concreto h. e. in hoc vel illo Subjecto talem, quæ potius difficultas dicenda est. Illa pro non adjecta habetur bene tamen hæc *l. 4. §. 1. ff. de Statu liber. l. 137. §. 4. ff. de V. O. Donell. L. 8. c. 32. lit. c.* Nec ignota sunt exempla ingeniorum, quæ tenuibus subsidiis, brevique spatio temporis, stadium studii certi, summo cum honore emensa sunt. Conf. Muller. *Diff. de Actibus oblativis S. 1. tb. 8.*

§. 5. Moveri quidem tandem possit, fundamentum talem inutilem esse, eo quod in incertam personam sæpe conferatur, cum de capacitate accipientis incertitudo sit apud Fundatorem *arg. l. 27. ff. de reb. dub. l. 30. ff. de testam. tutel. §. 25. Inst. de Legat.* Verum facilis in promptu est Responsio, incertæ personæ legari quidem non posse, nisi ex aliquo eventu certa fieri possit. *Mantica de Conjectur. Ultimar. Volunt. Tit. 4. n. 16. & Thusebus Conclus. 45. n. 11.* Id vero & hoc in casu per Scrutinium ingeniorum expediri posse recte docuit *Meisner. in Schol. Babyl. P. 2. §. 57.* Examine sc. profectuum ab Inspectoribus vel Præceptoribus instituendo.

§. 6. Præsuppositis istis extra dubium positum est, Fundatorem etiam certam præscribere posse Facultatem eligendam, cum æqualis omnium Facultatum finis sit gloria DEI & emolumentum Reip. & hinc Studiosi, cujuscunque disciplinæ sint, inserviunt Ecclesiæ, & Reipublicæ. Jam quæ res in se bonæ, earum electio Fundatori libera est, sine læsione conscientiæ, quanquam ratio

atione Studiosi (1) jam supra monitum, caute ab hoc studii genus alterum præ altero eligendum esse (2) imo peccare si lucri v. c. Stipendii tantum causa certum sibi studii genus quis eligat, cum Eruditio mercenaria esse non debeat *arg. l. 1. §. 4. ff. de Extraord. Cognit.* Sed per se amore virtutis, amore promovendi commoda Ecclesiæ & Reip. amplectenda: quanquam doleant hic omnium nationum Dd. de seculi nostri depravati moribus. *conf. fus. Eritsch. c. 2. n. 6.* Sed jam quæritur: *An in facultatibus istis certas hypotheses præscribere possit Fundator?* Res videtur periculi plena, adeoque pro negativa securior videtur decisio (1) quod eruditio sit res intellectualis, quæ externam non admittit coactionem, adeoque cognitionum pœnam nemo pati dicitur *l. 18. ff. de pœnis.* (2) quod hæc conditio tanquam turpis, pro non adjecta haberi debeat *l. 1. ff. de Condit. Instit.* Turpis vero videtur, quæ vinculum conscientix imponit in rebus Theologicis, Justitiæ cursum impedit in Juridicis, periculum sanitatis curandæ infert in Medicis, veritatis indagationem excludit in Philosophicis. Interim tamen contraria sententia secundum effectus Juris Civilis magis in Jure fundata est, caute tamen & distincte explicanda. Et ut ad (1) respondeatur, facili limitatione refelli poterit, sc. cogitationum, atque adeo eruditionis pœnam nemo patitur, quatenus sc. in terminis cogitationis remanet, nec ad actum externum progreditur. *Barbos. L. 3. c. 26. ax. un.* & hinc in Theologicis, hæreticos beneficiis civilibus in pœnam exclusos fuisse innuit *tt. C. de heret. & Manich.* In Juridicis nota est *Decisio Constitutionis Tanta §. 19. in fin. de Confirmatione ff.* qua allegans fragmenta antiqui

Juris tanquam temerarius & falsator æstimandus est, imo  
& judex allegationes istas recipiens pro tali habendus est.  
*l. 2. C. de V. J. E.* Qua ratione in Medicis opinio de  
Quinquina punita fuerit in Gallia *vid. Diss. Domini Præs.*  
*de Contract. Medic. cum egroto. Cap. 1.* Nec ignotæ sunt  
in aliis locis receptæ, in aliis rejectæ hypotheses Aristo-  
telicæ, Scholasticæ, Cartesianæ. Quoad (2) argumen-  
tum de turpi conditione, distinguendum erit dicendo,  
aliam esseturpem conditionem materialiter & formaliter  
aliã materialiter tantum, aliam formaliter tantum *arg. l. 1.*  
*ff. de Condict. obturp. caus.* Formalis turpitude alia iterũ est  
moraliter, alia civiliter talis. De illa nobis sermo non  
est, sed de hac sc. quoad effectus civiles, qui rei vel actui  
per tolerantiam (non vero per præceptionem) in Rep.  
recepto attribuuntur. Et hoc sensu etiam Synagoga,  
religiosa res dicitur, & ab hospitatione Militum immu-  
nis est *l. 4. C. de Jud. & Calic. Christin. Vol. 2. Decis. 42. n.*  
*6. & Brunn. ad d. l. 4.* Eadem decisio est in puncto Reli-  
gionum, publico Magistratus & Reip. judicio recepta-  
rum, & quidem ob rationem publicæ tranquillitatis, ne  
ex illicitis motibus & turbis bello involvatur regio; qua-  
les in Germania vigore Pacis Religiosæ sunt Romano-  
Catholica, Reformata & Lutherana. *Blum. in Process. Ca-*  
*mer. T. 28. toto Swed. Introd. J. P. parte Gener. c. 3. n. 11.* in  
Gallia vigore Edicti Nannetici, olim Romano-Catholi-  
corum & Protestantium & in specie Reformatorum *Gra-*  
*mond. L. 12. p. 572. & L. 18. p. 797.* In Suecia vigore Sa-  
cramenti regii, Consilii Upsalici de Anno 1593. Religi-  
osi statuti Orebroensis de Anno 1617. ut & Legum a Ca-  
rolo Gustavo publicatarum Augustana confessio, exclu-  
sis



fis Romanensibus Piafec. Chron. p. 114. & 117. Revers. Reg.  
Car. Gustav. n. 8. & Autor templi Pacis & Pacificentium.  
Art. 7. p. 385. In Polonia, Romano Catholica, Refor-  
mata & Lutherana. Conf. Hariknoch. de Rep. Polon. L. 2.  
c. 2. tb. 4. Hinc infertur ita : Quicquid publica Reip.  
autoritate receptum, privilegiis munitum, ejus electio-  
nem & sequelam subditis concedi debere : jam omnes  
tres religiones receptæ, & ita liberum erit fundatori hanc  
præ alia Stipendiario sequendam præscribere, adeoque  
talis conditio turpis non est. Eodem sensu de reliqua-  
rum scientiarum hypothesebus dicendum, quæ si receptæ  
fuerint indistincte cum libertate sentiendi, liberum erit  
Fundatori hanc præ illa præscribere, secus si una tantum  
publice recepta, & reliquæ damnatæ, sic talis conditio  
recipiendæ istius hypotheseos vetitæ, non tantum tur-  
pis est civiliter, sed & nulla est, eo quod contra LL. posi-  
ta sit *arg. l. 5. C. d. LL.* Hæc tamen vim obligandi non  
inducunt in Legatario vel Stipendiario, utpote cui libe-  
rum erit non acceptare stipendium, sic per consequens  
non implere conditionem ; interim si nihilominus im-  
pleat, contra conscientiam peccare ipsum nemo nega-  
bit, quod boni temporalis ergo animæ salutem in peri-  
culum conjecerit. Interim si unquam obtinere potuit  
ratio Ulpiani in *l. 4. §. 3. ff. de Condict. ob turp. Caus.* cer-  
te hic obtinebit, turpiter ipsum agere (sc. moraliter)  
quod contra Conscientiam Religionem quandam ample-  
xus fuerit, sed non turpiter (h. e. civiliter) agere, quod,  
postquam impleverit conditionem, Stipendium petat.  
Conf. Covarr. in c. Peccat. X. de R. J. L. 6. p. 252. n. 1. 2.

§. 7. Jam ad Patronos seu Inspectores Stipendii

E 3

nos

nos convertamus, qua ratione hi Obligationem impone-  
re possint Stipendiario, & quidem (1) si fundatores mo-  
dum præscripserint, sic quicumque fuerint sive Testamen-  
tarii, sive Legitimi, sive Dativi Inspectores, tunc tenen-  
tur eundem servare, cum illi sint instar Executorum te-  
stamenti, quorum est in omnibus servare voluntatem  
fundatoris *l. 28. C. de Episc. & Cler. Barry de Success. L. 11.  
Tit. 20.* Huc trahenda dispositio des Fürstl. Magde-  
burgischen Visitationis Decret de Anno 1656. verb. **So**  
**begehren wir / daß die verordneten Testamentarii (In-**  
**spectores und Executores) und diejenige / welche solche**  
**Stipendia in Händen haben / und ihnen die Aufsicht**  
**committiret und auffgetragen allen möglichsten Fleiß**  
**anstrecken / damit solche zum Studiren gewidmete Sci-**  
**pendia hinwiederumb im Gang und Schwang kom-**  
**men / nichts davon absondern / vielmehr alles / was**  
**in den Testamenten zu Verbesserung verordnet / her-**  
**bey gebracht ic.** Et hinc proprie profanos in usus con-  
vertere non possunt Stipendia, cum id sit species sacri-  
legii §. 8. *J. de R. D.* imo præter intentionem Testatoris  
nec in alios pios usus v. c. alimentationem Parentum.  
Et hinc Parentes tales peccare docet Mengerling, qui sti-  
pendia liberis destinata in usum domesticum impendunt  
in *Tractat. de Cas. Conf. c. 10. Cas. 92. p. 998.* Ita nec faci-  
le stipendia v. c. Theologica in primis in Studiosos Juris,  
vel Medicinæ conferenda, propter majorem Theologiæ  
necessitatem & sanctitatem. Quam ob causam, sicut  
non facile Apostasia Studii Theologici conceditur *Spei-*  
*del. ad voc. Student.* ita nec facile stipendii immutatio  
Lim. (1) nisi forte majus bonum immineat ex studiorum  
mu-

20  
mutatione. *Fritsch. p. 68.* (2) nisi causa, quam Testator  
indigitavit, cesset. *c. 51. X. de Reg. Jur. in 6. § l. 16. ff. de  
usufr. leg. conf. Carpz. Jur. Consistor. L. 2. D. 332.* (3) nisi  
probabiliter consensurus fuisset testator. Sed jam quid  
si nihil disposuerit Fundator, an administratores obligare  
possint? Resp. Videtur Neg. quia onera non sunt præ-  
sumenda, & in legatis ad piam causam semper præsumi-  
tur quod magis est, non quod minus. Sed rectius Resp.  
Affirm. ex natura stipendii, ut constet an recte impen-  
sum fuerit. Hinc egregie verba *der Fürstl. Sächsl.  
Magdeburgischen Visitation Decret de Anno 1656. p. 35.*  
*Daß die Stipendia tüchtigen subjectis die es nützlich /  
und nicht etwa zu prächtiger üppiger Kleidung / oder  
sonst zur Quaserey anwenden.* Qua ratione vero  
constare poterit de qualitate, nisi hanc per externum  
Specimen quis exprimat, cum nec Ecclesia de occultis  
judicet? Non credendum enim facile Parentum te-  
stimonio, utpote qui amore liberorum excoecati, sem-  
per in favorem liberorum illud deponent. *l. parentes §  
Liberi C. de Test. Carpz. L. 1. Resp. 89.* Credendum hic  
magis videtur Præceptorum testimonio, cum perito  
de arte sua testanti credendum sit. *Coffet.*

*in Singul. suis in verb.  
Testis. 9.*

Caput

Caput IV.

De

Obligationis Effectu.

CONSPECTVS.

§. 1. Constituitur triplex Obligationis effectus. §. 2. Obligationis Naturalis species. §. 3. Obligationis Civilis species. §. 4. Qu. An conditioni causa data causa non secuta in repetendo Stipendio locus esse possit. §. 5. Osneditur species Obligationis Civilis & Naturalis simul & inde orientes actiones.

§. 1.

**B**reviter denique cognoscendum erit, quemnam effectum Obligatio Studiosi Stipendiarii hucusque variis rationibus demonstrata, producere valeat. Cum vero triplex in Jure juxta effectus reperitur Obligatio Naturalis, Civilis, & Naturalis Civilisque simul, tres quoque ex hac materia eruendi erunt casus, triplici Obligationi dictæ conformes.

§. 2. Obligationis Naturalis species in casu, si a Fundatore vel Administratoribus Specimen Eruditionis non fuerit exactum, conspicitur. Est enim Obligatio Juris Naturalis vinculum, quo quis adstringitur in conscientia ad præstandum id, quod honestas & æquitas exigit, sine conventionione. *Strauch. Diss. 12. de Nat. Oblig. Pact. & Contr. §. 2.* quæ requisita casui isti maxime convenientia esse, ex antecedentibus constat. Interim effectum civilem nullum producere videtur, sc. ut Stipendiarius

con-

conveniri possit ad Specimen Eruditionis edendum.  
*Conf. generalia naturalis obligationis in Curt. Jun. ad Auth.  
res qua n. 55. C. Communia de legat. Cautela itaque hac  
supererit, ut adeatur Magistratus, petaturque ut ex of-  
ficio nobili imponat Studioso necessitatem edendi Spe-  
ciminis; quæ potestas Magistratui vi supereminentis  
Domini competit, quo subditum cogere potest non tan-  
tum ad id præstandum, quod stricto Jure debetur, sed  
& quod laudabiliter præstari solet, imprimis si accedat  
publica utilitas. *Conf. Anton. de Petr. de Potestate Princi-  
pis c. 32. Sect. 4. n. 50. Menoch. Arbitr. Jud. Quæst. L. II. Cent.  
5. Cas. 462. num. 13. Conf. Grot. L. 2. c. 25. th. 4. §. L. 1. c. 2.  
th. 2. 3.**

Succedit Obligationis Civilis species, in  
casu, quo Fundator vel Administratores certam in studia  
aliquo hypothesein præscripserint. Quæritur itaque an  
Stipendiarius acceptando legatum ad hypothesein illam  
amplectendam deque illa Specimen Eruditionis eden-  
dum conveniri possit? Resp. civiliter ipsum obligari  
constat ex eo, quod consensus intercesserit seu verus, seu  
fictus & simulatus *arg. l. 21. §. pen. ff. Quod metus causa*  
adeoque ipsum recte conveniri posse juxta effectum obli-  
gationis Civilis *conf. Schneidw. ad Inst. de Obligat. p. 361.*  
Verum juxta effectum ejusdem Obligationis Civilis, ex-  
ceptione se ab Obligatione liberum reddere potest, pro-  
pter naturalem Obligationis injustitiam *arg. §. 3. Inst. de  
Except. (1)* quia omnis promissio boni alicujus im-  
peditiva non est obligatoria *Grot. L. 2. c. 13. th. 7. num.  
2. (2)* quia omnis Obligatio per errorem (qualis  
hic intercedit, dum quis initio veram credens hypothe-  
sin postea falsam repererit) contracta rescinditur *arg. §.*

1. *Instit. Quib. mod. re contrab. Oblig. imprimis si tale quid emergat, quod antea non fuit præcognitum Thom. c. 2. qu. 89.*

§. 4. Interim tamen quaritur, an conditioni causa data, causa non secuta, locus sit ad repetendum Stipendium? Resp. Neg. quia per eum, qui promissit non stetit: quam rationem in factis non præstitit allegat *Struvius in Exercit. 18. tb. 10.* jam vero res intellectus & conscientia non sunt in nostra potestate, & sic per nos non stat moraliter, an falsam hypothesin eligere velimus præ vera. Hoc ita tamen accipiendum (1) si res data jam sit consumpta, & accipientis interfit. Si enim integra sit res & non interfit accipientis, poenitentiam locus erit. *l. 5. pr. & §. 2. ff. de Condict. Caus. dat. caus. non secut. Struv. d. l. tb. 15.* (2) si quis bona fide consumpserit, non vero qui simulans hypothesin consumpserit Stipendium, & postea falsam illam esse publice asserat.

§. 5. Restat tandem Obligationis Civilis & Naturalis Species in casu, quo stipendium sub expressa conditione Speciminis edendi alicui concessum. Et inde exurgit vel actio præscriptis verbis ad implendam conditionem, vel actio causa data causa non secuta ad dissolvendum *conf. D. Bruny. Parat. Wesemb. ad Tit. P.V. Q. 3.* Illa eo usque agitur, donec impleatur conditio, aut si implere nolit, ad interesse condemnetur *l. fin. C. P. V. Erantzk. ad. d. t. n. 60. 61.* Hac vero agitur ad rem repetendam *l. 12. ff. de condict. caus. dat.* vel si res forte non existet, ad æstimationem *arg. l. 65. §. 6. ff. de condict. indeb. Struv. d. l. tb. 18.* Nec valet hic exceptio impossibilitatis in Specimine edendo ob defectum Eruditionis, cum illa non sit absolute talis, sed tantum in Persona accipientis, quæ

212  
quæ tunc non relevat a conditione *conf. Hillig. in Donell.  
L. 14. c. 25. Struv. Exerc. 18. tb. 9.* Interim si per Stipendi-  
darium non stetit, quo minus possit edere Specimen,  
forte per morbum vel aliam causam impeditus, ad red-  
dendum Stipendium compelli non poterit, idque in pri-  
mis favore liberalium artium, quibus hoc privilegium  
concessum est. *l. 38. ff. Locat. Conduct. l. 1. § 13. ff. de ex-  
traordin. cognit. Gail. L. 1. Obs. 44. n. 12. Nynsing. Cent.  
Obs. 8. Carpz. P. 11. Decis. 136.  
num. 20.*

---

## COROLLARIA

### I.

Studioſus peregrinans in itinere in mor-  
bum periculosū incidens vovet, se dimidiam  
partem bonorum ad pias causas erogatu-  
rum, si convaluerit. Qu. an si liberos ex  
uxore ducta postea procreaverit, teneatur  
ad totum votum servandum. Resp. Neg.  
de Jure Canonico, cum limitatione in E-  
vangelicis Ecclesiis recepta.

### II.

Votum cælibatus ad certum tempus, in-  
justum esse nequit in Studioſo.

III.

Vidua tamen, quæ secundis nuptiis Jure Civili odiosis voto renunciavit, non obligatur eodem.

IV.

Vota parentum ad liberos Studio Theologico vel Juridico destinandos, hos non obligant.

V.


Amore Scientiæ morientes, die sich zu todt studieren / certo sensu martyres dici possunt.


VI.

Die Dominica Jura studere non licet.









Biblioteka Jagiellońska



stdr0009533

